

Rapport dalla sessiun dil cussegl da vischnaunca dils 30-09-2013

Tractanda 1

Approbaziun dil protocol dalla sessiun dils 09-09-2013

Il protocol dalla sessiun dils 09-09-2013 vegn approbaus en votaziun unanima cun engraziament.

Tractanda 2

Elezziun d'in(a) canzlist(a) communal(a)

La suprastanza communal ha publicau la piazza da canzlist communal ils 27 da fenadur cun in temps d'annunzia da 30 dis el Fegl official dalla Surselva, ella Quotidiana, el Tagblatt ed ella Südostschweiz. Suenter ver examinau tuttas annunzias per la piazza propona la suprastanza communal d'eleger Sandra Gautschi, tochen dacheu vicecanzlista, sco canzlista communal.

Cun 14 : 0 vuschs elegia il cussegl da vischnaunca Sandra Gautschi sco canzlista communal.

Tractanda 3

Vendita dalla casa da scola Zignau

La suprastanza communal ha scret ora la casa da scola da vender en las gasettas ed el fegl official digl emprem da fevrer 2013. Sin quei inserat ei vegniu inoltrau duas offertas. La suprastanza communal ha examinau las offertas e menau discuors cun ils offerents davart lur intenziuns.

La megliera offerta ha la suprastanza retschert da signur Tarcisi Guldumann, Trun. Signur Guldumann ha suandontas finamiras cun quei baghetg:

- Luvratori cun atelier e local d'exposiziuns per agen diever
- Plirs ulteriurs ateliers per artists giuvens
- Localitads da biro
- Eventualmein ina habitaziun
- Suenter basegns e damonda ei la pusseviltad per activitads cun affons avon maun (rudi d'affons etc.)

Cun 12 : 2 vuschs propona il cussegl da vischnaunca per mauns dalla radunonza communal da vender la casa da scola Zignau a Tarcisi Guldumann.

Tractanda 4

Vendita da terren ord la parcella 2743 a Caltgeras

Signur Domenico Stagliano meina gia dapi plirs onns cun success ina Pizzeria a Caltgeras. Igl onn 2007 ha la vischnaunca concediu a signur Stagliano in dretg da baghegiar. Ord la parcella 2743 da vischnaunca ei vegniu dau giu ina surfatscha da 931 m² en dretg da baghegiar e fundau la parcella 3018 per las localitads da fatschenta da signur Stagliano.

Plinavon ha la vischnaunca concediu a Domenico Stagliano en in contract da servitud il dretg da nezegiar il parcadi, la piazza da botscha etc. sin ina surfatscha da 1377 m² dalla parcella 2743.

Signur Stagliano ha ussa tschentau la damonda da saver cumprar il terren ord la parcella 2743 e da sligiar si il dretg da baghegiar ed il dretg da servitud. La suprastanza communal ha tractau quella damonda ed ei dil meini ch'il terren sa vegnir vendius. Ins vesa buca in auter nez pil terren en quei liug. Plinavon simplifichescha ina vendita las relaziuns per omisduas partidas.

Cun quella caschun ha la suprastanza dumandau da cumprar giu ils tschancuns dalla via en posses da Domenico Stagliano sin las parcellas 776 e 2742 (total 262 m²). Aschia ei igl access enviars las parcellas encunter damaun reglaus e sigeraus. Signur Stagliano va d'accord da brattar quei terren,

Cun 14 : 0 vuschs autorisescha il cussegl da vischnaunca la suprastanza communal da far quella fatschenta.

Tractanda 5

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president
Flurin Decurtins

L'actuara
Sandra Gautschi